



## Universitätsbibliothek Paderborn

**Assertionvm Theologicarvm Sfortiae Pallavicini Sacræ  
Theologiæ Professoris in Collegio Romano Societatis Iesv.  
Libri Qvinque**

**Pallavicino, Sforza**

**Romæ, 1649**

Cap. 3. De violatione Iustitiæ, hoc est de Iniuria; quomodo inferatur infanti, impuberti, consentienti, no[n]dum natis: & de voluntate formalí requisita tum in ordine ad iustitiam cum ad obedientiam.

**urn:nbn:de:hbz:466:1-39069**

42      *Liber Quartus*  
ciendum bonum , nisi vo-  
lenti .

### C A P V T . III.

*De violatione Iustitiae, hoc est de  
Iniuria; quomodo inferatur in  
fanti, impuberi, consentienti, no-  
dum natis: & de voluntate  
formali vel virtuali requisito-  
rum in ordine ad iustitiam,  
cum ad obedientiam.*

27      **A**d iniuriam non re-  
quiritur ut Dominus  
sit positiuè inuitus, sed satis  
est si absque cōsensu ipsius fiat  
aliqua actio cuius dominium  
morale est apud ipsum. Sicut  
enim actio nō potest fieri phy-  
sicè sine influxu illius in cuius  
potestate physica est, ità non  
potest

potest fieri moraliter sine con-  
cursu illius voluntatis in cuius  
potestate morali est. Ideò de-  
finitio furti latè accepti tradita  
à Iuristis , quod nimirum sit cō-  
trectatio rei alienæ inuitu domi-  
no, ex animo lucrandi, explican-  
da est negatiuè, vt ly, *inuito do-*  
*mino* significet non consentiente  
sicut, è contrario definitio Ari-  
stotelica violenti , quod procedit  
ab extrinseco , nullam vim con-  
serente passo à multis explicatur  
positiue ità, vt significet resistē-  
te passo. Illam porrò Iuristarum  
definitionem indigere hac ex-  
plicatione est certum: Alioquin  
infanti, qui non potest esse in-  
uitus, non posset fieri furtum ;  
neque posset ctiam furtum cō-  
mitti iu hæreditate iacente ,  
quam nemo adhuc adiuit , ac  
proin-

44      *Liber Quartus*

proinde quæ caret domino . Et  
licet respondeant, hæreditatem  
iacentem esse in dominio per-  
sonæ fictæ, quam lex supponit,  
tamen si res explicetur sine fi-  
ctione, ac metaphoris, quando  
nemo est dominus , iniuria fit  
omnibus ijs, qui habent ius ad-  
eundi iacentem hæreditatem .  
Quod si hi nō sint adhuc nati,  
vt si qui s̄ lapidaret fidei com-  
missum relictum filijs nascitu-  
ris,) iniuria fit reipublicæ, apud  
quam est illud ius . sed restitu-  
tio est facienda filijs nascituris .  
quia id ipsum vult respubli-  
ca .

28      Quod si furtum fiat in-  
fanti, iniuria quidem fit ipsi,  
sed non quatenus fit contra  
voluntatem ipsius , sed quate-  
nus fit contra voluntatem rei-  
publi-

*De Iustitia, &c. Cap. III. 45*  
pnpublicæ . Cum enim infans nō  
habeat voluntatem; non potest  
eius voluntas esse regula earū  
actionum; quæ sunt in dominio  
infantis de iure gentium . Et li-  
cet dicant aduersarij, illud fur-  
tum esse contra voluntatem ,  
quam præsumitur infans habi-  
turus si polleret vsu rationis;  
tamen hæc responsio refellitur,  
quia etiam si ego , per reuela-  
tionem Dei haberem certitudi-  
nē, quod si infans haberet vsu  
rationis consentiret, facio iniu-  
riam surando ; ergo iniuria nō  
fit ex eò, quia actio sit contra  
voluntatem præsumptam; alio-  
quin, cùm præsumptio non va-  
leat ubi est certitudo de oppo-  
sito, in prædicto casu non fieret  
iniuria . Infans ergo habet qui-  
dem dominium etiam bonorū

cx-

46 Liber Quartus

exteriorum, cum dicat Apostolus: quanto tempore heres parvulus est, nihil differt à seruo, cùm sit dominus omnium: verū tamē cum harum rerum dominium non possit obtainere modis illis, quos natura constituit, per propriam voluntatem, obtainet illud per voluntatem reipublicæ, & de iure gentium.

29 Res publica enim ita est constituta ab hominibus, vel potius à Deo, ut sit domina omnium rerum exteriorum quo ad aliquos effectus; potest enim illas in casu necessitatis in suā utilitatem conuertere. Auctoritate huius reipublicæ applicatur bona infanti post mortem patris, perinde ac si ille infans aliquo ex modis institutis à legi naturae acquisiuisset sibi illa bo-

bona; & redditur iniustum vnicuique eadem bona contrestatare cum damno infantis, & in quolibet casu in quo prudenter ille censeretur inuitus. Perfutum tamen iniuria fit infanti, non reipub. licet fiat contra voluntatem reipub. non infantis; quia infans est dominus in ordine ad illas actiones. Quod si aliquis accipiat bona imputberis ex eius consensu, adhuc illifacit iniuriam; quia res publica reddidit talem consensum nullum, unde contreditur rem alienam sine consensu valido domini. Si vero accipiat rem minoris ex dono, & voluntate ipsius sine legitimis solemnitatibus, non facit iniuriam, sed facit contractum irritabilem arbitrio domini, quia sic res publi-

48      *Liber Quartus*  
publica constituit.

30    Non tamen omnes a-  
etiones, quæ fiunt circa corpus,  
aut bona carentis usu rationis,  
sunt iniustæ eo quod deficiat  
positius domini consensus: nō  
enim ille est à natura cōstitutus  
dominus in ordine ad eas aetio-  
nes quas licitas esse est in aper-  
tum bonum ipsius: hoc quippe  
dominium esset illi noxiū. Quo  
circa, si ad vitam pueri saluan-  
dam necesse sit illum magno  
dolore afficere, aut eius digitū  
secare, non fit illi iniuria, etiam  
si per reuelationē Dei sciretur  
quòd si puer vteretur volunta-  
te, id non permitteret.

31    Colligitur ex dictis, di-  
scrimen inter vitandam iniu-  
riam, & inobedientiam non  
cōsistere in eo quòd advitandā  
iniu-

iniuriam sufficiat, dominum  
non esse positiuè inuitum, ad  
vitandam inobedientiam re-  
quiratur superiorem esse po-  
sitiuè volentem hic & nunc  
dispensare. Nam tam in ma-  
teria iustitiae, quam in mate-  
ria obedientiae requiritur vo-  
luntas aliqua positiva, & in  
neutro casu requiritur expli-  
cita, & formalis, sed sufficit  
implicita, & virtualis. Hæc  
porrò voluntas virtualis, &  
implicita, qua amicus e. g.  
consentit in usum sui pallij,  
consistit in hoc, ut dependen-  
ter à voluntate, quam habitua-  
liter habet, & quam ultima vi-  
ce formaliter habuit erga me,  
sit ita dispositus, ut illam non  
mutando, non possit physicè  
velle, usum sui pallij esse mihi

C iniu.

iniustum. Illud enim virtualiter volumus, quod non possumus nolle formaliter in sensu composito cum eo, quod formaliter volumus. Idem proportionatiter applicandum est materia obedientiae.

32 Differentia tamē quādam materialis est interiustitiā & obedientiam, difficilius enim præsumi potest superiorem esse contentum ut egrediar domo nō petita facultate, quām præsumi possit dominum esse contentum, ut utar pallio sine explicito cōsensu ipsius. Superior enim exigit cultum, quo subdatus se illi subjiciat petendo licetiam; & quia dare ansam istis præsumptionibus ouertit regularem disciplinam, & perfectiō nem obedientiae, quam præsumitur

mitur superior velle exactè cu-  
stodiri, non potest præsumi, illū  
esse contentum ut subditi hæc  
faciant facultate non petita,  
Hæ verò rationes non valent in  
domino. Ad transferendum  
tamen dominium, ne formalis  
quidem voluntas sufficit, nisi  
intimata. Non enim expedit,  
ut dominus priuetur iure & do-  
minio nisi dederit signa exte-  
riora, quibus constet, eum vo-  
luisse se tali iure priuare, & illud  
in alium transferre. Ius enim  
debet esse aliquid sensibile ex-  
teriorū; ut hoc modo possit iu-  
dex creatus de illo sententiam  
ferre; atque adeo est commune  
axioma Iuristarum: dominia  
non debere esse in incerto: pro-  
pter quā incertitudinem vitan-  
dam tanquam reip. noxiā,

C 2 indu-

52 VI *Liber Quartus*

inductæ sunt præscriptiones ,  
per quas dominus legitimus  
priuatur suo dominio etiam si-  
ne sua culpa.

C A P V T I V .

*De obligatione requisita ad exer-  
citium Iustitiæ commutatiæ:  
ubi quomodo, sit actus iustitiae  
anticipata solutio; non verò ite-  
rata.*

33 **I**ustitia eommutatiua  
non supponit obliga-  
tionem ità rigorosam , vt si ab-  
stineam ab actione peccē . Non  
satis id probatur, quia debitor,  
si anticipet solutionem, exercet  
actum iustitiæ, & tamen si tunc  
non soluat, non peccat . Nā re-  
sponsio in prōptu est; verè enim  
tene-